

壬癸志稿二十四

太倉錢寶琛伯瑜輯

同里

葉裕仁涵溪
季錫疇崧耘
趙兆熊耳山
畢庭杰雄伯

參校

人物

鎮洋縣

耆碩

國朝

吳家銘字景勳監生幼失怙奉母教端慤誠一勇於濟物嘗謂訓俗莫善於 聖諭十六條每日清晨親歷城鄉擊鋼板集眾宣講委曲開說至丙夜方歸風雨不輟

壬癸志稿

鎮洋 耆碩

一

行之二十年如一日當事歷延為約正卒年八十有三子桂見文學傳

王薪樵字周楨諸生九歲能文人稱神童事父母孝昆季七人皆友愛白首無間言世居城北聚族而處構造宗祠有族父年高無後敬養之里中推為長者卒年八十

陸恬字大瀄毅子候選州同知為人饒幹略州地濱海數被潮災知州宋楚望議沿海築隄捍禦恬總司其事費省而工堅又嘗賑災設粥出粟平糶以厚德稱鄉里卒年八十一子時化正倫時化另有傳正倫字有常監

生甫十齡母患目眚正倫舐之獲愈其周卹戚屬亦有善行

周士達字尚卿篤內行撫幼弟爲之婚娶族姪祥被仇害幾成冤獄傾囊營救始得釋潮災避水至者幾百人給以衣又飼之粥全活無數卒年七十八子京有傳
畢瀧字澗飛沅弟素無宦情一再應省試失利卽棄去沅爲入貲例銓部郎意弗屑也工書畫精賞鑑家藏古器物及碑刻字畫甚富輒能別其真贋所居曰廣堪齋非名人舊物屏勿御鑪香茗椀趺坐竟日年六十五卒
子耀曾憲曾耀曾乾隆五十七年舉人幼攻詩憲曾有

壬癸志稿

鎮洋耆碩

二

傳

季王繩字翼先乾隆四十四年副貢敦實行工詩兼善填詞年七十餘卒子埉諸生温厚坦直恩周服屬里黨無間言舉鄉飲賓卒年八十三

金聞鶴字亮雲以恩貢生就職州判舉鄉飲大賓循謹敦樸篤於故舊有友人陸愷貧而力學晚歲目盲瑩獨無依聞鶴時周之歿後爲刻遺橐人稱其風義子國瑩廩貢生候補訓導工詞賦與同里陸元文楊政源讀書汪氏趣園人比之蘭臺聚焉

陸廷珪字獻琛候選鹽知事性好施予樂易有長者風

舊有園舍數椽爲其先侍御毅讀書處廷珪葺而新之
日集賓客飛觴賭奕意興不衰子樹薰道光八年舉人
孫增福二十四年舉人皆沈靜好讀書文造精詣以攻
苦於學先後病歿京邸

壬癸志稿

鎮洋 耆碩

三

壬癸志稿二十四終